

元
風
雅

二

元風雅卷之四

學士承旨吳興趙孟頫

古風

詩亡春秋作仲尼蓋苦心空言恐難托指事
已深大義炳如日萬古仰照臨鳳鳥久不至楚
狂乃知音愁來不得語起坐彈吾琴

其二

烈風號枯條落葉滿周道原野何蕭索川流亦
浩浩離居日已遠懷思令人老功名會有時
世若不早顧瞻靡所騁憂心慙如擣

其三

浮雲何方來不知竟安之飄飄隨風去汗漫以
為期自昔功名士徃徃事驅馳白駒空谷中誰
能加繫維皎皎難見容翻受世妍媸虛名誠無
益不見斗與箕

詠懷

美人涉江來遺我雲和琴朱絲絢玉軫古意一
何深長歌和清彈三嘆有遺音逸響隨風發嵩
高不可尋奈何俚俗耳折楊悅哀淫此道□□
久沉吟獨傷心

其二

明明秋夜月流光照羅幃
隱憂從中來起視夜
何其草蟲催杼軸
札札鳴聲悲良人
遠行役萬里歸無期
予髮已曲局膏沐
久不施回身入閨
房愁思當告誰
獨有今宵夢遙遙
為君馳

詠逸民

鳳皇覽德輝奮翅翔千仞
矯矯孤竹子求仁斯
得仁於心有不厭視世
等埃塵俯仰志不忘
又不辱其身聖言一以宣
萬古無緇磷誰言首陽
山卓與嵩華隣采采山
中薇愧爾食肉人

其二

勞生本非情祿仕吾不苟古來畎畝間亦有沮
溺叟依依偶耕心千載思尚友中道世所難狂
狷誠足取如何絕代下相如不忠厚仲尼不復
作斯懷向誰道

其三

子真初亦仕歲晚乃逃之區區南昌尉上疏忘
其卑忠言不見用耿耿當告誰飄然棄妻子終
身與世辭抱關甘貧賤所貴莫我知至今九□
瀆清風激羣黎神仙信茫昧此士獨不疑孤雲
無定在逝水何時歸遐思一矯首悵望无由期

有所思

思與君別來幾見芙蓉花盈盈隔秋水若在□
天涯欲涉不得去茫茫足煙霧河洲多芳草□
心采蘅杜青鳥翔雲間錦書何時還君心雖匪
石祇恐凋朱顏朱顏不可伏那能不惆悵何如
雙翡翠飛去蘭苔上

和子俊感秋

秋至倏廿日天宇豁然清涼颼旦夕至林木發
商聲良辰不我與慨然心自驚古人久已逝念
之動中情苦心嬰世患只博身後名今我將無

同庶復得此生

其二

披衣步中庭仰視河漢白
寓形天宇內聊復度
朝夕仲尼諒非愚
遑遑不煖席履運有異同
喟然慨今昔邱園豈云遠
終當期屏迹日月馳驚
去鳥影飛過隙歸休盍不
早胡為受形役

其三

□露泣然墜草木日已凋
閒居無塵雜日薄風
□□登高寫我心葵扇欲
罷搖感時俯逝水□
□仰層霄松喬在何許
高蹈不可招願言□□

□懷古一何遙

遊南山憩山下人家和韻

驅馬南山陽下馬望絕巘解衣坐盤桓言就蓬
廬偃非無扳援力興盡自應返天高暄風息木
落歲華晚勢阻乏遐觀趣得心自遠不有君子
辭何用抒繾綣

送程運副之杭州

鹽為生民食日用猶水火雖非饑所急一日無
不可但令商賈便那復愁國課數年人壞法貪
欲肆偏頗利多歸私室民始受鹽禍爾來又計

口強致及包裹權酤窮滴瀝征商及遮邏東南
民力竭此事非細瑣朝家更政化選擇堪負
荷君為尚書郎精白色嗟嗟明當戒行李往理吳
越柁祝君無別語編戶要安妥湖山多勝處亦
可供宴坐談笑尊俎間佳聲滿江左

張詹事遂初亭

青山繚神京佳氣溢芳甸林亭去天咫萬狀爭
自獻年多佳木合春晚餘花殿雕闌畱戲蝶藻
梁語嬌燕退食鳴玉珂友于此終宴鍾鼓樂清
時衣冠集羣彥朝市塵易侵圖書味方遠紛華

雖在眼道勝安用戰初心良已遂雅志繇此見
何事江海人山林未如願

趙村道中

昔年干戈動兵塵暗三吳長江已無險智勇亦
難圖築壘依平山謀國一何愚楨榦羣林空遺
址莽邱墟至今蓬蒿下猶有白骨枯天陰萬鬼
哭慘慘荒山隅興亡自有數不敢問何如獨憐
野菊花立馬為躊躇

酬戴帥初

仙人海上來遺我珊瑚鉤晶光奪凡目奇彩耀

九州自吾得此寶晝玩夜不休生世未恨晚及
與斯人儔惜哉無瓊玖可以結綢繆世德日下
衰古風向誰求蛾眉亦何有空受衆女仇適俗
固所願違己良足憂感子贈言意再拜涕泗流
安得騎麒麟從子以遠遊

題西溪圖送鮮于伯機

山林忽然在我眼攬袂欲遊嗟已遠長松謾謾
含蒼煙平川茫茫際層巘大梁繁華天下稀走
馬鬪雞夜忘歸君獨胡為甘寂寞坐對山水娛
清輝西溪先生奇倔士政可著之巖石裏□□

茅屋破不脩中有神光發奇字綠蘋齊葉□□
生送君江南空復情相思萬里不可見時對此
圖雙眼明

題黃素黃庭後

此書飄飄有仙氣意其為楊許舊跡蓋人間
至寶伯機所藏也

琴心玉文洞元元金鈕朱錦乃汝傳子能得之
可長年黃素鎮栗完且堅橫理如髮約兩邊從
有赤道如朱弦文居其間走元蟻飛雲卷舒相
終始大道甚夷非力使無為自然有至理誰能

精專換骨髓埽除塵俗不瑕穢目中有神乃識
真白玉為軹裝車輪裹以天上翠織成仙人樓
居儼長生鸞鶴翔舞猿猱輕子能保之慎勿驚
宮室之中夜自明上清真人楊與許焚香清齋
接神女手作此書留下土千年流傳子為主庶
不子索貪勿與

兵部廳前枯栢

庭前枯栢生意盡枝葉乾焦根本病黃風日日
吹塵沙鼓動哀音亂人聽嗟哉爾有歲寒枝受
命於地獨也正雨露雖濡心自苦鳳鳥不來□

□□豈無松檟在山阿只有蓬蒿没人脰我□
愧乏梁棟材浪逐時賢繆從政清晨騎馬到官
舍長日苦饑食還併簿書幸簡不得休坐對枯
槎引孤興人生何為貴適意樹木托根忘失性
幾時歸去卧雲林萬壑松風韻笙磬

謝伯機惠震餘琴許旌陽手植桐斲

仙人已歸白雲中空餘手植青枝桐根柯盤鬱
如蛟龍一朝霹靂驅雷公烈火半爇隨狂風箕
子之裔多髯翁才氣邁俗驚愚蒙抱持來歸尋
國工斲為二琴含商宮我來自北欣相逢持一

元風利四
贈我為我容自吾得此不敢寐終夜起坐彈孤
桐下弦清泠上黃鐘轉弦更張涕滿胸黃虞已
遠將無同恨君不識牙與鍾恨我不識瞽與矇
周南大雅當誰從

送高仁卿還湖州

昔年東吳望幽燕長路北走如登天捉來官府
竟何補還望故鄉心惘然江南冬煖花亂發朔
方苦寒氣又偏木皮三寸冰六尺面頰欲裂凍
折弦盧溝強弩射不過騎馬徑度不用船官遊
遠客非所習狐貉不具綈袍穿京師宜富不宜

□青衫駿馬爭騰騫南隣吹笙厭梁肉北□□
瑟羅姝妍淒涼朝士有何意瘦童羸騎雞鳴前
太倉粟陳未見糴中都俸薄難裹蹕爾來方士
頗向用讀書不若燒丹鉛故人聞之應見笑如
此不歸殊可憐長林豐草我所愛羈勒未脫無
由緣高侯遠來肯顧我裹茗抱被來同眠青燈
耿耿照土屋白酒薄薄無葷羶破愁為笑出軟
語寄書妻孥無一錢江湖浩渺足春水鳬鴈滅
沒橫秋煙何當乞身歸故里圖書堆裏消殘年

贈相士